



Diario



pa Aruba

TRY...
Tropical Cherry
a fine NEW soft drink
from
Tropical Bottling Co.
call 1773

Schlitz
The Beer That
Made Milwaukee Famous

Nr. 3506

DIAMARS 11 AUGUSTUS 1959

ANJA 21

Diferente detencion na Havana durante ultimo dos dianan

HAVANA. 10 aug. — Mayor parti dje detencionnan cu a worde haci durante e ultimo 2 dianan aki, den varios ciudad na Cuba, tabata trata di ex-miembronan di ehército, marina y poliz durante regimen di Batista. Nan a detene personanan tambe, kende su propiedadnan a worde perhudica door dje leyman revolucionario di gobierno di Fidel Castro, manera por ehempel ex-senador Armando Caines Milanes, presidente dje bond nacional di donjonan di bestia, cual bond a opone e ley pa reformacion agriculatural.

E autoridadnan cubano tin intencion di haci un purificacion completa y extensivo dje miembronan di e trupan di Batista y dje bendicion civil, cu ta colabura cu e ex-militar nan aki. Den e campoman militar den e ciudadnan libertad, Managua y San Antonio y den e oficianan dje ins-tancianan cu ta haci e investigacion, nan ta detene hende; segun calculo nan nan a detene for di 200 te 1000

hende, pero no ta posible pa hancja cifra oficial. E investigacion ta continua intensivamente.

E trupan a tuma tur medida preventiva apropiado, pa stroba tur des-embarcamentu of otro plan dje conspiradoman. Circulonnan oficial ta optimista y nan ta pidi pueblo pa keda tranquil, como cu ni e pais ni e re-volucion no ta core peliger.

Gobierno lo no pidi pueblo pa yu-

da bringa, mientras cu no ta absolu-tamente necesario; e trupan regular si ta prepara.

Funcionarianan haltu di gobierno ta informa cu e lidernan dje move-mentu subterranio a trata pa larga nan accion cu huntu cu e conferencia di ministronan na Chile, pa acentua e existencia di tension den region di Caribe. Den tur caso Cuba lo no ha-ci ningun peticion na ningun organo internacional, pasobra pueblo por de-fende su mes contra tur peliger.

E lider mas haltu dje revolucion cubano, Fidel Castro, a repiti varios biaha, cu den caso di un ataque di Cuba, pueblo lo uni cu e soldanan regular pa destrui e agresor nan comple-tamente.

A worde informa cu ajera noch trupan di gobierno y rebeldanan a bringa na Cienfuegos, parti central di Cuba. Durante e ultimo lunanan aki tabata bringamentu varios bia-ha entre trupan di gobierno y sim-patizadoman di ex-presidente Batista, cu a sconde den cerunan.

Venta di loteria extraordinario lo cuminsa e luna aki mes

WILLEMSTAD. 10 di Aug. — (Noticia di RVD). — Manera ta conoci semper sa tin 26 wegá di biljechi di Landsloterij pa anja; un wegá cada dos siman y un wegá extraordinario cu ta tuma lugar riba e segundo di-amars den e luna December. Esaki ta-batin no menos cu 3 wegá, loke ta-bata causa dificultad pa e vendedor nan di biljechi den venta di nan bilje-chinan. E hopi dianan di fiesta na De-cember tambe tabata influencia ven-ta di biljechinan desfavorablemente.

Pa motibu dje problemanan aki go-bierno a dicidi di reduci e cantidad di wegá te na 25, asina ta cu e anja aki lo tin solamente dos wegá na De-cember (un ordinario y un extraordi-nario (mira e corantnan di publicacion No. 92 v 93).

E prijsnan y premionan dje loteria extraordinario lo asconde na un suma cu lo ta tres biaha mas tantu cu esun

dje loteria ordinario, na lugar di dos bez. Esaki kler meen cu e loteria ex-traordinario lo tin como prime pre-mio e suma di Nafl. 105.000.

Como cu e revison aki no mester causa perdida den ganashi di Lands-loterij, precio di venta dje biljechinan lo worde aumenta pa e por compara cu prime premio. Precio di venta di un biljechi henter, dje loterij extraor-dinario lo ta Nafl. 45. E vendedor nan lo por compra e biljechinan henter na Nafl. 37.50 pa un biljechi henter.

E luna aki mes venta dje biljechi-nan dje loterij extraordinario lo cu-minza.

(R V D)

Circulair di Shell Curacao N.V.

WILLEMSTAD. — Na Shell Curacao N.V. a bini un cambio den nomber di anterior Stichting Pensioenfonds der N.V. Curacao-sche Petroleum Industrie Maatschap-pij y pa pone tur trahadoman na al-tura di esaki nan a parti siguiente circular:

STICHTING „PENSIOENFONDS SHELL CURACAO“

Na miembronan, Nos ta participa cu debi na cam-bio di e nomber „N.V. Curacao-sche Petroleum Industrie Maatschap-pij“ pa „Shell Curacao N.V.“, nos a introdu-ci e siguiente modificacionnan den reglamento di Stichting „Pensioen-fonds Shell Curacao“ (anteriormente Stichting „Pensioenfonds der N.V. Curacao-sche Petroleum Industrie Maatschap-pij“) mediante escriptura o-torga di 16 di juni 1959 dilanti Mr. A. A. G. Smeets, notario na Corsou.

Texto completo di e modificacion nan ta lesa manera ta sigui:

1 In artikel 1, eerste lid, worden:

a) in de definitie van „het Fonds“ de woorden:

„Pensioenfonds der N.V. Curacao-sche Petroleum Industrie Maatschap-pij“ vervangen door „Pensioenfonds Shell Curacao“;

b) in de definitie van „de Directie“ de woorden:

„der N.V. Curacao-sche Petroleum Industrie Maatschap-pij“ vervangen door „van Shell Curacao N.V.“

2 Artikel 2 worde gelezen:

„1 De Stichting, bij haar oprichting genaamd: „Pensioenfonds der N.V. Curacao-sche Petroleum Industrie

Maatschappij“, draagt thans de naam: „Pensioenfonds Shell Curacao“.

2 Zij heeft haar zetel op Curacao“.

3 In artikel 22, derde lid, worden de woorden „de N.V. Curacao-sche Petroleum Industrie Maatschappij“ vervangen door „Shell Curacao N.V.“

4 In de bijlage wordt achter: „N.V. Curacao-sche Petroleum Industrie Maatschappij: 1 januari 1950;“ toegevoegd: „de naam van deze Maatschap-pij is met ingang van 21 april 1959 gewijzigd in: Shell Curacao N.V.“

Curacao

DIRECTIVA

Rotary Club a honora e mihor candidato dje anja aki

ORANJESTAD. — Ayera noch na Trocadero Aruba Rotary a organisa e scholar night tradicional. Tur anja Rotary Club ta manda invitacion pa e mihor estudiante di diferente schoolnan, den compania di nan mayornan y hefe-nan di school pa participa na e scholar night aki. Como recuerdo e muchanan ta hanja un regalo di balor, den e caso aki tabata un pen marca Sheaffer, mien-tras nan ta dirigi hopi palabra di con-seho na e hobennan cu a termina nan estudio cu bon exito.

Mr. P. Tuin, president di e seccion di hubentud di Rotary, a pone e accen-to specialmente riba e punto pa e es-tudentenan haci bon uso di loke nan a studia pa nan tin balor den e comuni-dad. Como invitadonan honorario ta-bata presente e anochi aki deputado E. O. Petrona y wnd. Chef afid. Onderwijs-zaken, senior Emilio Arends.

E mihor studentenan dje anja aki tabata e damanan Lucy Bardouille di Maria College, Joan Bennett di Filome-na College y Jarmila Y. Eman di Julia-naschool. E mihor candidatonan entre e caballeronan tabata Fong Wang-Cham di St. Augustinus College, Rudy Mac Donald di U.T.S., Carlos Maduro di A.T.S., Roy Nahar di Abraham de Veerschool y Luis Paris di St. Domini-cus College.

Despues di tres les un „hole“ den un slag

SEROE COLORADO. — Si no tabatin cinco testigo presente na e momento ei, nos lo no kere cu esaki tabata posible.

Patrick Dooley di 14 anja den progra-ma di vacante-grandi, pa e muchanan na Seroe Colorado, siman pasa despues di a hanja tres les di wegá di Golf, a logra un „hole“ den un solo mep. Cu esaki e hoben aki a pone su mes den un puesto „importante“. Patrick su ami-gonnan ta yama e shot puro snerte, pero Patrick ta bisa cu esaki ta puro „talen-to“. Y cu razon!

Candela na Simon Antonio

Diadomingo mainta a resulta un can-dela den un dje casnan den Flambo-yanstraat. Parse cu un stoof di kero-sene a bolter y asina a causa e candela. Ora cu e guaponan di brandweer a lle-ga, ya habitantenan dje cas mes a lo-gra paga e candela.

Dama herida

Den Village Zuid seniorita M.O.S. a hanja desunion cu senior C.W. Senjo-rita S. a worde herida na su man y sen-jor W. mester a worde hiba warda como e tabata hao di influencia di bebida tambe.

Pa tur bo aseguronan FATUM — Tel.: 1845

Pelea di gai

Diadomingo atardi polisnan a danja un partido na Rooi Congo, na unda pa-tras di parcela 64 nan tabata tene pelea di gai. E mironesnan a spat den tur di-reccion ora cu nan a mira polis, y don-jonan dje gainan igual. Polisnan a pasa man pa e 12 gainan cu a keda tras y dos bleki cu spoor di stal, tambe polisnan a pone beslag riba 8 botter di limonada cu nan a hanja aya hao. Esaki parse ta-pata propiedad di un tal J.B. Un inves-tigacion ta tumando lugar.

ZO goed en ZO voordelig

IS DE **Maytag**



Bij aankoop 10 pakken FAB cadeau

PALAIS ROYAL ARUBA N.V. ORANJESTAD SAN NICOLAS

Hopi amigo y conocirnan na ocasion di matrimonio di S. Kan

ORANJESTAD. — Den oronnan siman pasa senior S. Kan a celebra su enlace matrimonial cu sra. V. N. Voornooze. Senior Kan a bai Huland-a siman pasa pa e casamento aki.

Despues dje ceremonianan na stad-huis di Tilburg tabatin un reception na cas di mayornan dje bruid den Korvelplein 14. Tabata masha notable e cantidad di amigonan y conocirnan di Kan di Antillas cu a paga atencion na e ocasion aki. Entre nan tabata presente senjora Klaas Loonstra, fami-

lia Paaymans, senior P. Suthof, dokter A. van het Riet y senior Von Baar (un tempo wnd. notaris), senjora Kan y su jiu muhe naturalmente tabata presente.

E pareha, di cual nos ta publica e portret ariba, ta worde spera na Aru-ba durante e siman aki. Diasabra awor to ta un dia di fiesta pa e personal di firma Kan&Oduber-Kan, na unda to tin ocasion pa cerra conoci cu e ho-ben senjora Kan.



E pareha saliendo dje cas di mayornan dje bruid na Korvel-plein 14, Hulanda.

Dia 27 di augustus Eisenhower lo bishita Bonn

WASHINGTON. 10 di Aug. — Presidente Eisenhower lo bishita Bonn, capital di Alemania Occidental, dia 27 di Augustus, como parti di su bishita na e lidernan di gobierno di Europa occidental. E anuncio aki a kita e inseguridad cu tabata existi, respecto encuentro di e Presidente cu Cancellor Adenauer. Eisenhower lo bai Londen e mes anochi.

Circulonnan diplomatico na Lon-den ta di opinion cu e bishita lo du-na Cancellor Adenauer oportunidad di pleita punto di bisia di Alemania Occidental respecto e problema di Berlin y e problema di Alemania cer-ca Eisenhower, prome cu e Presidente mericano bai tene discusion cu e o-tro lidernan occidenta.

Observadoman na Londen ta di o-pinion cu e noticia dje bishita na Bonn ta un victoria diplomatico pa De Gaulle. Nan a declara cu ta impos-ible awor cu lo tin un conferencia supremo occidental, prome cu e discu-sionnan entre Eisenhower y Khrut-shef tuma lugar.

Nan ta bisa cu Inglaterria, Merca y Alemania Occidental lo a aproba un conferencia supremo occidental, pe-ro De Gaulle si no. De Gaulle lo ta-tatin miedu, cu Eisenhower lo actu-como portavoz dje paisnan occiden-tal durante su discusionnan cu Khrut-shef.

shef, despues di un tal conferencia su-premo occidental.

Circulonnan diplomatico na Bonn ta bisa cu e bishita di Eisenhower na Bonn ta un victoria personal pa Ade-nauer. Nan ta di opinion cu e „spido-ra“, cu e discusionnan entre Eise-nhower y Khrutshef lo ta pa Adenauer, lo perde un poco di su smaak marga door dje discusionnan dje Presiden-te mericano cu Adenauer.

R. J. Isa sucesor di Van der Meer

(Di nos correspondant na Corsow)

Ta intencion di gobierno pa na lu-ga di Mr. S. W. van der Meer cu a duna di conoce e deseo di retira como ministro di Husticia, di nombra na su lugá Sr. R. J. Isa como Ministro di Husticia.

Sr. Gobernador A. B. Speekenbrink a participa, esaki pa medio di un carta na Staten di Antillanan Neer-landes.

Foi Diahuebs siman pasa Sr. Isa a manda su retiro como Presidente di Staten. Den reunion di Staten di a-jera noch a vota pa nombramento di su sucesor.

Gezaghebber Beaujon a bando-na Corsou

(Di nos correspondant na Corsow)

Ajera mainta Gezaghebber J. J. Beau-jon a sail cu su familia foi aerodromo di Hato pa su destino St. Maarten. Hopi miembronan di familia y ex-coleganan di Marina y Marinierman a probeca dje ocasion di bai lama adios na e Gezag-hebber nobo aqul y dese e tur eus bou den su puesto nobo.

Mr. J. A. Van 't Hoog a hanja schors

(Di nos correspondant na Corsow)

Segun cu nos ta informa cuminsando dia 1 di Augustus Mr. J. A. van 't Hoog a hanja un schors di 14 dia den cumpli-miento di su profesion juridico. E schorsing aqul a tuma lugá pa Conseho di Vigilancia y Disciplina.

Mr. Van 't Hoog a bai hoog beroep cerca Consejo di Appel.

Empleadonan di carbon di Salt Lake City ta welganda

SALT LAKE CITY (Utah), 10 di Aug. — E empleadonan di e mina-nan di carbon di Kennecott Copper Corporation den e estadonan merica-no Utah, Arizona, New Mexico y Nevada a cuminsa welga awe mainta. E welquistanan a staciona guardia di-lanti di portanan dje minanan. No ta-batin ningun incidente.

Kennecott Copper Corporation ta e compania di coper mas grandi na Merca.

TEXAS FURNITURE STORE

VOOR

Zitkamerameublementen

FUTBOL ARUBA VOETBAL BOND

ta presenta
AWENOCHI 11 AUGUSTUS PA 7.30 P.M.
den

WILHELMINA STADION

JONG ARUBA vs. R.C.A.

Hoofd-klasse

ENTRADA: Tribune f 1.— Staonplaats f 0.50

Dos mucha cu un kaartji
FUTBOL FUTBOL

CHANCE Y MATHEW TA KEDA FIEL NA PPA

ORANJESTAD. — Diabierna anochi tabatin un reunion general dje miembronan di Isla 'Riba dje seccion di PPA. A worde atende e peticion di retiro foi directiva di senior H. I. Lopez y nan a disidi di dune su re-tiro cu honor. Tambe senjores Leo Chance y D. C. Mathew a hasi un de-claracion, den cual nan ta declara di keda fiel na PPA, y esaki pamiotibo cu nan ta di opinion cu solamente di

e manera aki nan por representa e votadoman na e mihor manera.

Mientras tantu ta parse cu ainda no a cai ningun desicion tocante e posi-cionnan di senjores W. S. Anslin y Chance den directiva central dje parti-do. Basa riba e hecho cu senior Anslin no ta president di e seccion di Isla 'Riba mas e no tabatin e derecho mas pa keda den directiva central, mientras cu senior Chance, cu actual-mente ta president yen di imacionia ta sperando pa ocupa e puesto di sen-jor Anslin den directiva central.

Den directiva di e seccion di Isla 'Riba PPA diabierna anochi a worde eligi senior Leslie Lejuez como teso-rero na lugar di senior Hugh I. Lopez.

Cu avion di un motor pa Canada

ORANJESTAD. — Segun nos a lesa den „Pan-Aruban“ senior Fred Redden y su esposa Pat lo sail mayan mainta cu un avion chiki di un motor („Piper Tri-Pacer“) pa un biaha di vacante, cual lo hiba nan entre otro via Jamaica y des-pues pa nan destinacion final Canada.

Te luna di october e pareha aki lo regresa pa Aruba den nan avion trobe.

Excursion di A.O.B. pa Venezuela postpone

ORANJESTAD. — Diadomingo di-rectiva di AOB a ricibi informacion via Consulado di Venezuela na Aru-ba, cu en virtud di e actividadnan po-litica actualmente na Venezuela taba-ta preferible pa postpone e excursio cultural cu nan tabata tin riba pro-grama pa e luna aki, como huesped-nan di Gobierno Venezolano te otro oportunidad.

Esaki ta meen cu e biaha pa Vene-zuela no por tuma lugar mas, y diadu-mingo e aspirante viajerenan por a busea nan placa back cu nan a depo-sita eaba pa e biaha.

Leke ta den haril no ta danja, tin un verbo y pues na e prome oportuni-dad e biaha lo tuma lugar. Esaki lo ta den vacanteiennan di otro anja sigur. Pues e biaha no a worde cancela, sino postpone te otro oportunidad mas fa-vorable.



Ruman vs. rumen

ORANJESTAD. — Diasabra atardi nan a pidi asistencia di polis na Jan Fle-ming pa dos rumen cu tabata bringa cu otro. Tabata P.F. y P.A.F. Ora cu polisnan a yega nan ta haya P.F. sinia mei-mei di diferente muehlenan di cas cu nan a benta pafor cu un hcrda hun-fu den su cabez. Kiko a pasa? E la manda su rumen cu un piedra y esaki a manda e piedra back, y tabatin blan-co! Dokter van Dongen a conseha e victima pa bai San Pedro Hospital, pa motibo cu e ta kere cu e tin un hersen-schudding tambe.

Dalmento

Riba caminda di Seroe Blancoe riba e dia ei e autonan A-176 y A-517 a dal contra otro, e chofernan resp. tabata R.D. y R.R.

E danjo material total ta worde va-lua na Fl. 600.— E caso ta na aten-sion di polisnan.

Manuel A. Salazar

Olivia Judith Granadillo

tienen el gusto de participar a sus amistades su enlace matrimonial, que se efectuara en la intimidad de la familia el día 12 de agosto de 1959 en la iglesia de San Francisco en Oranjestad, Aruba a las 8.30 a.m.



590 x 13 white wall
tires in stock



Continental

E. & G. MARTIJN (ARUBA) LTD.
Phone: 1492-1493

PAGINA TRES

Comentario di prensa mundial riba preparacionnan

PARIS, 10 di Aug. — Prensa mundial a duna hopi comentario riba preparacionnan di biahe di Eisenhower pa Europa durante weekend pasa. E corant derechista "Aurore" a declara cu tur pais di Europa occidental mester hanja seguridad di Presidente Eisenhower, cu nada lo no worde regula durante e discusionnan cu Presidente Eisenhower, cu lo por influencia independencia di paisnan europeo desventajosamente of cu lo por perhudica pactonan existente.

Fidel Castro a atende matrimonio di mayor Rolando Cubela na Havana

HAVANA, 10 di Aug. — Promer Ministro Fidel Castro di Cuba a atende matrimonio di Mayor Rolando Cubela ajera nochi: esaki ta worde considera como un indicacion, cu e rumornan cu tabata circula na Havana ajera, respectivo desembarcamentunan contra-revolucionario na Cuba, no ta berdad. Durante e casamentu un hende desconoci a trata di horta e pistol di Castro, aparentemente pa wardela como souvenir. E hombre a worde arresta.

Desde ajera tardi publico ta prohibi di drenta Campo Libertad, sin duna motibo prome. Nan ta sospecha cu e medida aki a ser tuma cu bista di e gran cantidad di hendenan cu a worde detene durante e ultimo dianan aki, acusa di actividadnan contra-revolucionario.

Awe den madrugada tabatin tiramentu cerca e embahada Spanjo den distrito residencial di Havana. Aina no tin mas detalle.

mas durante su discusionnan despues cu Khruushchev.

E corant mericano "New York Herald Tribune" a declara dialuna den un editorial, cu e trabao mas importante di Eisenhower den e siman venidero lo consisti di eliminacion di intranquilidad cu ta existi na algun parti di Europa occidental, respectivo su discusionnan cu Khruushchev.

"New York Times" a acusa esnan cu tin miedo pa Merca y Rusia no yega na un acuerdo tras di nan loma, pasobra nan ta duda di "caracter y capacidatnan moral di Presidente mericano". E corant ey a bisa awe maita cu e presidente ta un hombre di paz y na beneficio di paz el a consenti cu e bishita di Khruushchev na Washington y su bishita na Moscu, pero e sabi masha bon cu durante e ultimo 25 añanan historia a muestra sin mucho variacion, cu caminda pa paz no ta pasa via "Mienchen". Asina "New York Times" a scribi.

Pascual Perez a retene su titulo contra Yokenura

(Di Nos Sportreporter)

E argentino Pascual Perez campeon mundial cu exito a defende su titulo contra di e japonés Yokenura. E pelea aki a tuma luga ayera pa 8.00 p.m. ora di Tokio, cu ta igual na 6.45 di nos. Asina ta cu ayera maita pa 7.30 ya nos tabata sabi e resultado di e pelea. Tabata un pelea parew especialmente den e promer 7 rondnan, pero for di e 8 padilanti e argentino a domina ampliamente. Su hoben rival sin embargo a duna bon pelea. E experiencia di Perez indubablemente tabata decisivo den e segundo mita di e pelea.

E encuentro aki a worde presencia door di e cantidad enorme di fanaticonan. Un cantidad record pa un encuentro boxistico na Tokio.

Lionel Wilson a permiti Amstel 1 carrera so den victoria di High Life

(Di Nos Sportreporter)

ORANJESTAD. — High Life por fin a mira accion den e torneo AA di Lago Sport Park ora cu dia Domingo atardi nan a enfrenta e novena di Amstel. E promer dos partidnan di High Life pa motibo di aguacero a worde suspendi sin cu playball por a worde canta, mientras cu nan promer encuentro contra di Amstel a keda un empate di 6 carrera.

Dia Domingo atardi ya den e promer inning High Life a anota tres bishita contra di e fuerte lanzador Donald Pantophlet, loke ya tabata basta pa gaa e weg.

E unico rayita di e cervicieronan hulandes a worde anota door di Tenchi Hofijzer, kede despues di a bandona su equipo den e campeonato oficial awor ta haciendo estrago na Lago Sport Park defendiendo e colman di Amstel atrobe.

E score final di e encuentro a bira 4-1 ora cu High Life a anota un carrera mas.

Lionel Wilson a pitcha un bunita partido pa e cervicieronan di Playa dominando e tolesteronan di Amstel den tur ocasion. E la goza di un bon respaldo den fildeo di su companjeronan. Donald Pantophlet tabata lanza henter e partido y a worde carga cu e derrota.

Despues di e partido aki e posicion di e torneo AA ta lo siguiente:

Club	WH	WG	WP	Ave.
High Life	1	1	0	1.000
Amstel	3	2	1	.666
Nesbitt	2	1	1	.500
Heineken's	2	0	2	.000



BO TA SINTIBO OTRO

CU AIREACONDICIONADO NA CAS

Y AIREACONDICIONADO NA OFICINA

Adios calor, adios stof, adios boroto,
adios sudor y e ta costa menos di loke
bo ta kere



E POBERCITA HUERFANA

pa: Tuyuchi

No. 39

Bo no mester quere ningun momentu cu pa motibo cu e defunto aki a haci bo millonario bo tin ningun obligacionnan pa cun'e. E no quier marra ho nada y quier largu bo completamente liber. Ley ta exigi cu mester nombra un tutor pa bo te ora cu bo yega na e edad cu ley ta exigi. Y hunto cu su disposicionnan testamentario el a evita tur posible eventualidadnan. Si el a haci di otro manera anto e asunto aki lo tabata masha complicada, pasobra di nacimiento bo ta un francesa y segun nacionalidad di bo esposo defunto bo ta un rusa. Y pa medio di esei bo derecho riba e herencia ta anula na Hulanda y ta p'e motibo el a defunto a trata e caso aq cu masha tactica. Por lo pronto

e capital ta queda na Hulanda y e posesion ta ser administra di foi Holanda mes.

Awor nos ta alcanza na e motibonan di Sr. Van Bussum. Sra. Tscherkoff, E. boluntadnan exclusivo di dje y loke cu e ta para riba masha y ta p'esei e la desea pa personalmente mi pone ho na altura di esei.

Cu masha razon el a pensa cu un muhe hoben, hunita y cu repentinamente a bira asina ricu a bira un sorto di atraccion masha empennja pa tur sorto di hombre, cu lo rondone manera sucu riba vruminga. Y e esposo ta haci un influencia masha grandi riba administracion y produccion di e fortuna di su muhe. Si mucho bez nan ta pensa plannan di dia anochi pa logra esaki y no ta e muhe nan ta gusta, pero su fortuna y su propiedadnan, loke semper ta bin caba na nada.

Pesei Senjor Van Bussum a comprende cu estando hoben, lo bo tin mester di un paar di anja mas pa bo mira situacion cu otro bistanan y pa bo hanja mehor idea di mundo, pasobra lo bo a mira tambe mas huicioso. Y lo ta bon pa bo wanta na un distancia tur e pretendientenan matrimonial na un distancia, te ora cu bo mes ta responsable pa tur ho hacirnan. Y mi ta spera cu lo bo mester por comprende esei masha bon. Y tene cuenta cu conshonan di un hombre anciano y un defunto cu tabata stima bo di enter su curazon y cu a haci awe e muhe di mas ricu den enter e pais aki. Esaki ta loke mi tin di participa bo den nomber di defunto Van Bussum.

"Mi ta gradici bo, senjor".
Micheline a lamta para y De Neff a retire. Ya foi e mes anochi caba Micheline a ripara q' bon bista di tur asuntunan di bida e defunto tabatin.

Mescos cu De Neff a haci, asina tambe un rato despues di souper de Chataignier a bin pidi un entrevista cu maestra di Bustumstijn.

Primeramente, e marques tabata masha stift y serio y masha formal y e tabata procede cu masha tactica y humildad.

"Ta na quico mi tin di gradici e honor di ho bishita. Sr. Marques?" Micheline cu a queda un poco stranjio a puntre.

"E bishita di awe ta debi na e maestra di Bustumstijn, cerca quende awe mi ta den su empleo".
"Expresa bo mas cla. Senjor Marques".

Cu un inclinacion humilde cu a admira de Chataignier Micheline a yega mas acerca y a ofrece un stul. "Como cu e asunto a tuma luga door di ho intercesion, lo ho no larga di ta na altura cu m'a cerra contract cu Sr. Van Bussum cu el a encarga mi cu administracion di e cuadro di carera y empuramento di e cabahnan di cadera. Como cu awor Sr. Van Bussum a muri repentinamente y mi no sa cu Bustumstijn lo sigui ser ad-

ministra na e mes manera, mi a permiti mi mes na haci bo e pregunta cu e contract lo queda valido of cu bo quier haci un otro proposicion?"

"Cuanto bo contract ta dura Sr. Marques?"

"E ta pa tres anja. Sra. Tscherkoff".
"Lo mi papia cu Sr. De Neff respecto esei. Mi ta quere cu mi cu Sr. De Neff lo mester sigui mantiene e contractnan cu Sr. Van Bussum a cerra. Tur cos sobra mester sigui nan curso mescos cu prome".

De Chataignier a sonrei.
"Esei ta di comprende, solamente mi tabata opina cu mi mester sigui ehecuta e puro contenido di mi contract cu Sr. Van Bussum. Compro di cabahnan di cadera ta dicial un donjo di un cuadro di carera. Mi n' sa cu Senjor Tscherkoff".

"Bo quier a puntra mi anto, Sr. Marques, si mi..."

"El a cesa un momento..."

"Si mi te comprende ho bon, Sr. Marques, cu mi tin plan di erigi un cuadro di carera?"

"Precisamente".
"Esei ta depende di dos circunstancias".

"Y mi tin honor di tende ta di cual

7 Anja pa crueldad



E la mara dos cacho na un rail y para watch con un trein a pasa matanan. Ta Danny Clem, 14, cu nos ta mira ariba. E la worde manda pa un institucion special pa muchanan malicia, na unda e mester keda te cu su 21 anja. Larry Shouse, 17 anja un amigo di dje, tambe a worde sentencia pa e mes un lugar te ora cu e hasi 21 anja.

Sta. Cruz Stars a bira campeon clase A

(Di Nos Sportreporter)

ORANJESTAD. — E novena di Sta. Cruz Stars dia Domingo maita a obtene su mas facil victoria di e campeonato A ora cu nan rivalnan di Lucky Strike no a presenta. E novena cigarillero a worde notablemente debilita door di e stral imposi na cuatro di nan hungadonan regular y muy probablemente te esaki ta e motibo pa cualnan no tabata presente dia Domingo maita.

E victoria aki a segura e titulo di campeon pa e santacruceanan. Ya no ta posibel pa ningun di esunnan mas cercano pa baha nan for di e puesto number uno. E streynan aki pues lo tin di hunga, despues di e torneo di Lago Sport Park, un serie di tres weg. contra di Amstel, number ultimo den AA pa mira cual lo forma e cuarteto den nos clase mas halto di baseball.

Mas resultado di clase A Chesterfield y Heineken's a derrota La Salle respectivamente ariba dia Vieine anochi y dia Domingo atardi cu score di 9-4 y 11 pa 6. E colegialnan di La Salle aparentemente lo no pasa di nan unico victoria logra algun dia pasa.

Apenas falta algun partido pa e campeonato clase A keda conclui.

Cumplanjos

E hobencito Mariela Susana Tromp ta celebra su promer anja di feliz existencia y ta ricibi felicitacion di su tata Emiliano, mama Leonora, dos rumannan Edwin y Jacinto, dos welan, taata y omegan, primo y primanta especialmente di su padrino Egido Thiel madrina Maria Werleman.

Senjorita Dominica Maria Webb ta celebra su feliz cumpleaños y ta ricibi felicitacion di su tata, mama, rumannan Teresita, Thomasita, Simon, Lucia y Josefa Webb, madrina Eliza Laele, Aunida Gonzalez, Lodewijk Medino omo y tantanan, aniganan Flora y Agnes, juffrouw Helena Britten, Chela Webb, Betty Kock, Norma Gomez, y demas familiarnan Laele, Webb, Everon y Arends.

Awe ta cumpli 42 anja senjora Filomena D. Frank y ta ricibi felicitacion di su esposo Remigio, Juanan Tina, kende ta studia na Hulanda, Nel, Fay, Netty, Bontjo, Tavo, Roly, Ida, Naatij, Frank mama stima Teresa y Dita Tromp, comere y compenanan, pepe stima Francequita Franken.

Ta recorda nan fecha natal: Sra. Norma van der Biezen, Carmen Croes, Carlos Perez, Elisabeth Brete, Marieta Tromp, Susana Mena Krozendijk, Lucia O. Angela, Clara F. Croes, Freddy Bello.

Aruba Jrs a gana su ultimo wega na San Salvador

(Di Nos Sportreporter)

ORANJESTAD. — E tercer y ultimo partido di e onena di Aruba Jrs, hunga na San Salvador a resulta den un victoria pa Los Azules. E biha aki nan a enfrenta Constanza, cual equipo nan a gana cu minimo score di 1-0.

Nan trip pa Salvador a duna awor un gana, un empatia y un perdi.

E delegacion arubiano a yega back ayera nochi.

Dakota lo bai hunga na Corsow

(Di Nos Sportreporter)

ORANJESTAD. — Segun nos a worde informa Los Antillanos di Dakota lo haci un viahe pa Corsow durante e venidero weekend. Dos compromiso nan tin senjala, uno pa Diasabra anochi contra di Centro Dominguito y dia Domingo atardi contra di SUBT.

Esaki lo ta promer biha cu e onena dakotonjo ta sali for di nos isla y nos ta spera cu e promer trip pafor aki lo sirbi como un estimulo pa nan sigui practica e deporte di futbol debidamente.

Awe nochi R.C.A. contra di Jong Aruba

(Di Nos Sportreporter)

ORANJESTAD. — Los Tricolores de Solito y Los Rojos del Norte lo enfrenta otro awe nochi den Wilhelmia Stadion. E promer biha cu e dos onenan aki a enfrenta otro den e campeonato actual RCA a logra un victoria apreta cu score di 3pa 2. Tabata un partido den cual e lideman a nasa un "sustico". E rapido y incansable muchanan di Jong Aruba tabata resulta un problema pa e muchanan di Solito cu tabata tuma e partido cu demasiado calma. Den e segundo rond RCA ya tin un partido hunga cual tabata un victoria ariba Aruba Jrs. Jong Aruba su unica salida den e segundo vuelta te ainda tabata contra di Dakota, cual nan a perde 2 pa 1.

Cu 10 punto RCA ta continua na prome puesto sigi di hopi cerca pa Dakota cu tin 8 punto. Den tercer puesto Aruba Jrs. ta empatia cu San Nicolas Jrs. cada uno cu 6 punto. Nan tras ta bin Jong Aruba cu cuatro punto, mientras cu Estrella cu no a logra un victoria ainda e anja aki tin tres punto, cualnan ta producto di tres empatia.

dje dos circunstancianan aq' ta depende trahamento di e cuadro di carera?"

"Indudablemente ho por sa esei. Sr. Marques. Primeramente lo mi mester di un hende cu tin concenshi di cuadro di carera y pa di dos e persona ei lo mester por convenir mi teoreticamente y practicamente cu un semillante establecimiento no ta lucrativo".

De Chataignier a cerra su frenta. "Mi n' sa cu mi por ofrece Senjor mi servicionan", el a responde na hoz humilde tuera su custumier. "Aparentemente Senjor Van Bussum tabatin e confianza ei den mi".

"Sigur lo mi por ofrece ho mi servicionan. Sr. Marques. Ta e resultado lo mester sinja esei, mescos cu den tur otro casonan".

"Bueno. Senjora. Anto por lo pronto tur cos ta queda manera nan ta. Y na November lo mi bai Inglaterra pa mi bai haci aya un establecimiento di caba".

"Mi n' tin nada contra".
Micheline a lamta para. Tabata como si fuera cu e quier a larga e chef di stal bai cu perdion.

E ta sigui.

AGENDA

CINE

Diamars 11 di augustus
DE VEER 8.30 Sunday girls a gaa.
RIALTO 8.00 Ingeniar Johansson vs Floyd Patterson in combinate met de film: El Heibolista (continuacion).
PRINCIPAL 8.00 Mister Rock and roll.
AURORA 7.30 Valley of the hunted men.
SAVANETA 7.30 The fast and the furious

PARTERA DI WARDIA:
Zr. E. S. T. Brammiller, tel. 1396.

BOTICA DI WARDIA

Oranjestad: BOTICA ARUBA
San Nicolas: BOTICA SAN LUCAS

RADIO VICTORIA

Diamars 11 di augustus

11.30 Apertura
11.45 E Mundo Femenino
12.00 Melodias di Meridia
12.15 Ultimas Noticias
12.30 World News
12.45 Concert Hall
1.30 Sign Off
4.00 Musica di Banda
4.15 Ecomon Celestial
4.30 Cafe con Musica
4.45 Waltznan Favoritu
5.00 Academia del Aire
5.15 Palabranan di Bida
5.30 Interludio Musical
6.00 Noticias
6.15 Adelante Juventud
6.45 Tesoros Musicales
7.00 Noticias Hulandes
7.15 Klusieke Muziek
7.45 The Bandstand
8.00 World News
8.15 Off the Record
8.30 Back To The Bible
9.00 Musical Gems
9.30 Unshackled
10.00 News (repeat)
10.15 Hymns that Live
10.30 Sign Off

RADIO CARACAS TELEVISION

Canales 2, 7 y 10

Martes 11 de agosto

7.55 Himno Nacional
7.57 Informacion de los programas del dia
8.00 Lo de hoy
9.30 Peliculas de largo metraje
12.00 El Show de las doce
1.15 Su novela Fab-Vorilla
1.30 El Imparcial TV
2.00 Peliculas de largo metraje
4.00 Club femenino
5.00 Cosas de mujeres
5.30 La perfecta ama de casa
6.00 El Show de Renny
7.15 La novela Ace
7.30 No diga si... no diga no....
8.00 El observador Creole
8.15 Su novela Palmolive
8.30 Alfred Hitchcock presenta
9.00 La novela Camay
9.15 La novela L&M
9.30 Documental cinematografico
10.00 Por el mundo de la cultura
10.30 Cineprograma
11.30 Himno Nacional—Despedida

LIQUIDACION

Oportunidad unico pa compra prenda y artienos hunita na un prijs asina abau.

Rebaha fantastico riba: holoshi di tur sorto, renchi, cadena y armband di oro. Articulos di plata y porcelana, perfume, renchi di diamanta, portemonnaie y lighter pa caballeros.

NOS MESTER BENDE TUR COS, pa sera e tienda.

No perde e chens aki y aprobecha di e rebaha fantastico aki na

Bombay Jewel Store

Prop. B. RAMOEDIT

Mainstreet - San Nicolas

R.A.F. HAGENS

HUIDARTS

praktijk hervat

E nomber cu den poco siman a bira popular.

KEES GROCERY N.V.

TEL. 1079-1918

J. G. Emanstraat 30

OFICINA MARITIMA DE ARUBA

Tel. 1622

Transporte di mercancia y tambe pa mudanza

ADD A PORCH

Your problems are

over - forever

ARUBA TRADING CO.

Deposito — Weststraat

EL CISCO KID

1. "Un punjal. Laguele bai."
2. "Mi Dios, un Indian ta meca Cisen na punjal." 3. Y sin mecha mas largo, Pancho ta los un tiro riba e Indian.




IUAN EL INTREPIDO

1. "Mi no sabi ki idea boso nan tini... pero den e avion aki un remede pa un hospital. Te hasta un pirata mester un consenshi." 2. "Ta duel nos... cambia e ruta y bai Hongkong." 3. "Poco despues... Nos a jega Hongkong. Y awor...?" 4. "Awor warda riba senjal pa baha." 5. "Vira Chen." 6. Y peliger a reina den e avion.



DICK TRACY

1. "Awor cu nos sabi con bo ta pensa riba e asunto aki, gobernador, nos ta coopera cu placer." 2. "Danki, mr. Mayor." 3. "Nos lo colecta fei pueblo pa traha un pia di graniet pa pone bieu die, y nos lo colokele den pueblo." 4. "Y ora e ta cla mi ta hin cerea bo y dedica pa e discursu, sr. Hardy." 5. "Un monumento pa mal hungadornan di placa, pa nan recorda cu bo no por hanja algo sin haci nada. Ningun hende lo lubida jamas Ken Hardy."



RIP KIRBY

1. "Mi no a pretende na hanja e combinacion di e caja di placa, pero mi sabi ele si." 2. "9 pa robet, 12 pa drechi, 14 pa robet, 22 pa drechi. Dios laga mi por lubidele." 3. "Mi mester a dal ele ora e ta trata na kta e revolver fei mi. Y awor mi ta bai." 4. "Laga nos bai, Cara."



EL PRECIO DEL TRIUNFO

1. "Manera nan ta bisa na chansa, bo ta 'vivo'. Si Peggy dicesi di no casa cu Clint, quizas bo por baci algo apercua." 2. "Por mi parti, Lalo, mi no ta quere cu e lo cambia di idea, y Clint lo no lagé bay asina lihé." 3. "Tur es tempo percura pa e negoshi. Forza nan! No laga nungun distraccion stroba esey!" 4. "Si, Sr. Hutchins, lo mi no laga di haci esey!"




EL DIARIO DE UNA VIDA

1. "Proel di salvamento... tur hende pa e lugar di reunion." 2. "Uff! Mi no ta gusta esaki!" 3. "Esey ta un salvavidas... no ta un bistri!" 4. "Oli! Dispensa mi... Dispensa..."



PEPITA

1. "Ata un peso pa ho y hiba e caraca aqui na laundry pa nan strikele mesora pa mi!" 2. "Ah! Goyto no a perde ora. E mes a dicesi di strike e carson. Huma tabata bay bulto." 3. "E ta cla. Bon servicio, por?" 4. "Mi por a usa e peso pa un otro cos..."



Segni i Pella di Italia lo bai Francia na september

PARIS, 10 di Aug. — Ministro di Asuntunan Exterior frances a informa ayer, cu prome ministro Debiere di Francia a invita Prome Ministro Segni di Italia y e Ministro di Asuntunan Exterior italiano, Pella, pa bai Paris na empuñadura di September, durante e bishita di Eisenhower na e ciudad ey.

E italianonan a acepta e invitacion. No ta conoci riba cual fecha nan lo bai Paris.

HOROSCOOP

di awe

ARIESNAN

Pone un fin na loque bo ta haci y fia un hende ora cu bo por y no a costo di bo mes carter. Bo e-nergia ta mas pisa cu lo bo por carga. No fia pa smaa.

TAURISNAN

Mosta calma y propio dominio. Domina bo mes den presencia di hendenan headenan irritante. Tende bo conseho y lo bo move mudo.

GEMINENAN

Chato creciente ta blo cu algun dificultad haciendo e hendenan den bo ambiente irritante. No haci nada pa perhudica bo trabao.

CANCERNAN

Awe lo bo tin opinion contrario cu un persona. No forza nada di mas. Anochi lo bo goza di placernan.

LEONAN

Bo mester aplica bo na circunstancianan di bo fami of asuntunan local. No larga emocionnan causa bo nungun separacion.

VIRGONAN

No spera den dia mucho foi viaje y bishitanan. Lo bini cambio den bo relacion cu otroan.

The hair cream for that 'just-combed' look all day long!



CONTAL AGENCIES

TEL. 1418-1125

LIBRANAN

Sea prepara pa cambionan inmediate cu tin relacion cu interesnan financieri di amigonan. Sea na sorto di ocasionnan asina semper huicioso.

SCORPIONAN

Ta necesario cu bo concentra bo mes riba bo asuntunan y bo debernan. Percura pa bo no larga nan cohe bo den trampa.

SAGITARIUSNAN

Sea prudente den andamento cu personanan difisil y naq situacionnan. Trata semper pa bo tene bo leu foi tur dificultad.

CAPRICORNUSNAN


Haci masha esfuerzo pa bo queda den bo caminda, pasobra ta maneranan ta bai traha un trampa pa bo. Tene cuenta cual ta bo amigomali.

ACUARIUSNAN

Sea avisa y vigila bo posicion y interes na un manera huicioso. Speru riba sosten y cooperacion.

PISES

Sucesonan ta capaz di pone cambia bo programa di awe. Domina bo flohera y bo manera di sin gracia. Larga discusionnan pa anochi.




EAST BERLIN in 1959. With Nikita Khrushchev is German Red boss Walter Ulbricht.



HELSINKI in 1957, drinking a toast with Finnish Prime Minister V. J. Sukselainen.



BELGRADE in 1956, with Yugoslav President Tito, the "deviationist," welcoming.



ALBANIA in 1959, welcomed at agricultural co-operative.



INDIA in 1955, and pleased.



PRAGUE in 1957, a cordial handshake with Czech President Anton Zapotocky.



BUDAPEST in 1958, being presented with a doll dressed in native Hungarian costume.

"SENJOR AMABLE" ta manera nan ta mira e premier di Rusia Nikita Khrushchev ora cu e ta presenta durante su giranan. September awor Merca ta na turno di su bishita. Na 1959 e tabata na Oost-Berlijn na unda e ta papia cu Walter Ulbricht, segun e portret mas ariba na robet. Durante 1957 e tabata na Helsinki, tumando un brindis cu Prome Minister di Finlandia V. J. Sukselainen, e portret di dos na robet. Na drechi mas ariba, e ta na Belgrado, durante 1956, papiando cu president Tito. Na Albania durante 1959, e ta worde duna un bon-bini pa e cooperativa di agricultura. Na India durante 1955, e ta satisfecho! Durante 1957 e portret mas abao na robet, e ta na Praag, ricibiendo un saludo cordial di Anton Zapotocky. E ultimo portret na drechi mas abao, nos ta mira e amable senyor durante 1958 momento cu e ta worde presenta un popchi como recuerdo bisti den trajo tradicional di Hungaria.